

Մամլոյ Հաղորդագրութիւն

Հ.Բ.Ը.Մ.ը Կը Ելէ Հայ Ազգի Պարծանք՝ Շարլ Ազնաւուրի Յաւերժ Մեկնումը

Անմիջապէս Հրատարակութեան Համար

Շարլ Ազնաւուր, համաշխարհային համբաւի տիրացած երգիչը եւ բանաստեղծը, 1 Հոկտեմբեր 2018ին, իր աչքերը յաւէտ փակեց Ֆրանսայի Փրովանս նահանգի Ալփէյ շրջանին մէջ գտնուող իր տան մէջ: Ան 94 տարեկան էր: Աշխարհը այսօր կը սգայ այս վիպական երաժշտագետին կորուստը: Անոր խորապէս ժողովրդական սիրային երգերը գերած են երաժշտասէրներու սրտերը աշխարհի տարածքին: Հայկական Յեղասպանութենէն վերապրողներու համար սակայն, Ազնաւուր՝ ծնեալ Շահնուր Վաղինակ Ազնաւուրեան, կը մնայ որպէս ազգային հարստութիւն, ոչ միայն իր հայրենի Ֆրանսայի համար, այլեւ մասնաւորաբար հայ ազգին համար: Տարիներ շարունակ ան փայլեցաւ որպէս հայու յաջող տիպարի անգերազանցելի օրինակ, որ կեանքի համեստագոյն պայմաններու մէջ սկիզբ առած, բարձրացած էր միջազգային համարաւի: Այդ բոլորով հանդերձ, ան բնաւ չմոռցաւ իր արմատները եւ բազմիցս հատուցեց իր ազգին՝ մշակութային կուռքի իր հանգամանքով, մարդասիրական նախա-ձեռնութիւններով եւ որպէս հայրենիքի հիւպատոս:

Ազնաւուր իր միջազգային դիրքը եւ համբաւը ի գործ դրաւ ի նպաստ Հայաստանի, ուր ան ճանչցուած ու պարգեւատրուած էր իբր Ազգային Հերոս, սկսած 1988-ի երկրաշարժէն, ապա նաեւ որպէս Զուիցերիոյ մէջ Հայաստանի Դեսպան: Ան նաեւ որպէս իր կողմէ հայրենիքին մնայուն ժառանգ, հիմնեց Ազնաւուր Հիմնարկը, որ նուիրուած է ընկերային եւ արուեստի ծրագիրներու եւ կը նպատակադրէ ներշնչել ու խանդավառել երիտասարդութիւնը: Տակաւին անցեալ Մայիսին, ան յայտարարեց իր գորակցութիւնը Թաւշիայ Յեղափոխութեան, հաստատելով, որ տակաւին հաղորդակից էր հայրենի իրադարձութիւններուն եւ խանդավառ անոնցմով, հակառակ իր յառաջացեալ տարիքին եւ առողջական խնդիրներուն:

Նոյնիսկ իր կեանքի ուշ տարիներուն, ան շարունակեց հմայել աշխարհը իր իւրայատուկ սիրային զեղուն երգերով, խուռներամ ունկնդիրներով յորդուն սրահներու մէջ, մինչեւ իր ինիստներորդ տարեդարձը ու անկէ ալ անդին: 2017-ին, «Հոլիվուտի Համբաւաւոր Արուեստագետներու Քայլուղի»-ն զինք պատուեց իր անձնական աստղով: Իսկ այս տարի, ծրագրուած էր որ ան յատուկ ելոյթով հանդէս գար Հայաստանի մէջ յառաջիկայ շաբաթ տեղի ունենալիք Ֆրանսախօս Աշխարհի Գագաթնաժողովին, Երեւանի մէջ:

Վերջերս, անցեալ Յուլիսին «Հ.Բ.Ը.Մ.ի Լուրեր» Պարբերաթերթին տուած իր յատուկ հարցազրոյցի ընթացքին, Ազնաւուր կը պնդէր, թէ չի ծրագրեր հանգստեան կոչուիլ: Ան քմծիծաղով կ'ըսէր, թէ ինչպէս ատենին գրած էր, պիտի շարունակէր երգել, այնքան ատեն որ իր սիրտը կը բաբախէր:

[Սեղմեցէք այստեղ, կարդալու համար ամբողջական հարցազրոյցը:](#)

Հ.Բ.Ը.Միութեան Նախագահ Պերճ Սեդրակեան, խօսելով համընդհանուր միութեան անունով, ինչպէս նաեւ արտայայտելով իր անձնական զգացումները, կը նշէր, թէ «Շարլ Ազնաւուրի արհեստա-վարժական գերագոյն որակով իրագործուած զմայլելի յորինումները եւ ստեղծագործութիւնները, պիտի յիշուին եւ փառաբանուին յառաջիկայ օրերուն եւ շաբաթներուն: Սակայն իր անկեղծ ու զեղուն սիրտը, կարեկից հոգին եւ հաղորդականութեան հանճարեղ բնագործ, որոնցմով ան յուզական բազմալար երանգներով կը թափանցէ իր ունկնդրներուն եւ երկրպագուներուն հոգիներէն ներս, իւրաքանչիւր Հայու համար հպարտութեան աղբիւր կը հանդիսանան՝ այն հոգեհարազատ գիտակ-ցութեամբ, որ իրենցն է ան: Թէեւ իր մեկնումը անակնկալ կը թուի մեզի, սակայն անոր կեանքը եղաւ օրհնեալ, բեղուն եւ բախտաւոր, յորդուն՝ ուրիշներու մատուցուած ուրախութեամբ, մխիթարութեամբ եւ յոյսով: Շարլ Ազնաւուր բնութենական հզօր ու անկրկնելի ուժ մըն էր:»

Հիմնուած 1906-ին, Հ.Բ.Ը.Մ.ը (www.agbu.org), աշխարհի մեծագոյն ոչ-շահամէտ հայկական կազմակերպութիւնն է: Միութեան կեդրոնը կը գտնուի Նիւ Եորք, Ամերիկայի Միացեալ Նահանգներ: Հ.Բ.Ը.Մ.ը կը սատարէ հայեցի ինքնութեան եւ ժառանգութեան պահպանումին եւ մշակումին՝ կրթական, մշակութային եւ մարդասիրական ծրագիրներով: Միութեան գործունէութիւնները կ'ընդգրկեն տարեկան աւելի քան 500,000 հայեր, աշխարհի տարածքին:

Հ.Բ.Ը.Մ.ի եւ անոր համաշխարհային ծրագիրներուն մասին տեղեկութիւններու համար այցելեցէք www.agbu.org կայքէջը:

Յաւելեալ Տեղեկութեանց համար - Կապ

AGBU Press Office

55 East 59th Street

New York, NY 10022-1112

Phone: 212.319.6383

Email: communications@agbu.org